

Риёзус солиҳийн шарҳи / Риёзус солиҳийн шарҳи / 667-ҳадис

667 – وَعَنْ عَائِشَةَ رَضِيَ اللَّهُ عَنْهَا قَالَتْ: سَمِعْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ يَقُولُ فِي بَيْتِي هَذَا: «اللَّهُمَّ مَنْ وَلِيَ مِنْ أُمَّتِي شَيْئًا فَشَقَّ عَلَيْهِمْ فَاشْفُقْ عَلَيْهِ، وَمَنْ وَلِيَ مِنْ أُمَّتِي شَيْئًا فَفَرَّقَ بِهِمْ فَارْفُقْ بِهِ». رَوَاهُ مُسْلِمٌ [1828].

667. Оиша розияллоху анҳодан ривоят қилинади:

Расулуллоҳ соллаллоху алайҳи васалламдан эшитдим, у зот мана шу уйимда: **«Аллоҳим, ким умматимнинг бирон ишига бошлиқ бўлиб, уларни машаққатга солса, Сен ҳам уни машаққатга солгин! Ким умматимнинг бирон ишига бошлиқ бўлиб, уларга шафқат қилса, Сен ҳам унга шафқат қилгин»**, деганлар».

Имом Муслим ривояти.

Шарҳ: Ҳадиснинг тўла матни куйидагича:

Абдурраҳмон ибн Шумосадан ривоят қилинади:

«Оишанинг ҳузурига бир нарса ҳақида сўрагани бордим. «Сен кимлардансан?» деди. «Миср аҳлиданман», дедим. «Раҳбарингиз сизларга ғазотда қандай муомала қилди?» деди. «Унда бирон айб кўрмадик. Бирортамизнинг туяси ўлса, туя берар, қули ўлса, қул берар, нафақага муҳтож бўлса, нафақа берар эди», деди. (Оиша) шундай деди: «Унинг укам Муҳаммад ибн Абу Бакрга қилган иши мени Расулуллоҳ соллаллоху алайҳи васалламдан эшитган нарсамни сенга айтишга тўсқинлик қилмайди. У зот мана шу уйимда: **«Аллоҳим, ким умматимнинг бирон ишига бошлиқ бўлиб, уларни машаққатга солса, Сен ҳам уни машаққатга солгин! Ким умматимнинг бирон ишига бошлиқ бўлиб, уларга шафқат қилса, Сен ҳам унга шафқат қилгин»**, деганлар» (Имом Муслим ривояти).



HADIS.ISLOM.UZ
NUBUVVAT MARVARIDLARI